

# 太上玄靈北斗本命延生真經

## 發爐讚

爐煙起篆 道炁騰祥 誠心一炷噴天香  
繚繞透穹蒼 周遍十方 諸神現金光

太上玉華散景香雲浮蓋大天尊三稱

## 祝香神咒

道由心學 心假香傳 香爇玉爐 心存帝前  
真靈下盼 仙佩臨軒 臣今關告 逕達九天

## 淨心神咒

太上台星 應變無停 驅邪縛魅 保命護身  
智慧明淨 心神安寧 三魂永久 魄無喪傾

## 中華道典

太上玄靈北斗本命延生真經

一

靈九道壇印制

急急如律令

## 淨口神呪

丹朱口神 吐穢除氛 舌神正倫 通命養神  
羅千齒神 却邪衛真 喉神虎賁 氣神引津  
心神丹元 令我通真 思神鍊液 道炁長存

急急如律令

## 淨身神呪

靈寶天尊 安慰身形 弟子魂魄 五臟玄冥  
青龍白虎 隊仗紛紜 朱雀玄武 侍衛我身

急急如律令

## 安土地神呪

元始安鎮 普告萬靈 嶽瀆真官 土地祇靈

左社右稷 不得妄驚 回向正道 內外澄清  
各安方位 備守壇庭 太上有命 搜捕邪精  
護法神王 保衛誦經 皈依大道 元亨利貞  
大聖元始安鎮天尊

淨天地神呪

天地自然 穢炁分散 洞中玄虛 晃朗太元  
八方威神 使我自然 靈寶符命 普告九天  
乾羅答那 洞罡太玄 斬妖縛邪 度人萬千  
中山神呪 元始玉文 持誦一遍 却病延年  
按行五嶽 八海知聞 魔王束首 侍衛我軒  
凶穢消散 道炁長存  
常清常靜天尊

中華道典

太上玄靈北斗本命延生真經

二

靈九道壇印制

攝魔摒穢大天尊

金光神呪

天地玄宗 萬炁本根 廣修億劫 證吾神通  
三界內外 惟道獨尊 體有金光 覆映吾身  
視之不見 聽之不聞 包羅天地 養育群生  
誦持一遍 身有光明 三界侍衛 五帝司迎  
萬神朝禮 役使雷霆 鬼妖喪膽 精怪亡形  
內有霹靂 雷神隱名 洞慧交徹 五炁騰騰  
金光速現 覆護真人 急急如  
玉皇光降律令敕

開經讚

北斗九皇位冠五方 人神主宰煥星光

調理紀和綱 聖德難量 賜福頌無疆

### 皈命

北斗賜福大星君

### 開經偈

仰啟中天聖 尊居北斗垣 宣威司造化  
垂象制乾坤 廣設皈依路 大開解謝門  
延齡與度厄 持誦各沾恩

### 爾時

太上老君以永壽元年正月七日，在泰清上境太極宮中，觀見衆生億劫漂沉，周迴生死，或居人道，生在中華，或生夷狄之中，或生蠻戎之內，或富或貴，或賤或貧，暫假因緣，爲無定故，罪業牽

### 中華道典

太上玄靈北斗本命延生真經 三

靈九道壇印制

纏，魂繫陰司，受苦滿足，人道將違，生居畜獸之中，或生禽蟲之屬，轉乖人道，難復人身，如此沉淪，不知自覺，爲先世迷真之故，受此輪迴。乃以哀憫之心，分身教化，化身下降，至於蜀都，地神湧出，扶一玉局，而作高座。於是老君昇玉局，坐授與天師，北斗本命經訣，廣宣要法，普濟衆生。

### 是時

老君告天師曰：人身難得，中土難生，假使得生，正法難遇，多迷真道，多入邪宗，多種罪根，多肆巧詐，多恣淫殺，多好群情，多縱貪嗔，多沈地域，多失人身，如此等緣，衆生不悟，不知正

道，迷惑者多。我今哀見此等衆生，故垂教法，爲說良緣，令使知道，知身性命，皆憑道生，了悟此因，長生人道，種子不絕，世世爲人，不生無道之鄉，不斷人之根本，更能心修正道，漸入仙宗，永離輪迴，超昇成道，我故示汝妙法，令度天民，歸真知命，可以本命之日，修齋設醮，啟祝北斗，三官，五帝，九府，四司，薦福消災，奏章懇願，虔誠獻禮，種種香花，時新五果，隨世威儀，清淨壇宇，法天象地，或於觀宇，或在家庭，隨力建功，請行法事，功德深重，不可具陳，念此

大聖北斗七元真君名號，當得罪業消除，災衰洗

### 中華道典

太上玄靈北斗本命延生真經

四

靈九道壇印制

蕩，福壽資命，善果臻身，凡有急難，可以焚香誦經，尅期安泰。於是說

大聖北斗解厄應驗曰：

大聖北斗七元君	能解三災厄
大聖北斗七元君	能解四殺厄
大聖北斗七元君	能解五行厄
大聖北斗七元君	能解六害厄
大聖北斗七元君	能解七傷厄
大聖北斗七元君	能解八難厄
大聖北斗七元君	能解九星厄
大聖北斗七元君	能解夫妻厄
大聖北斗七元君	能解男女厄

大聖北斗七元君	能解產生厄
大聖北斗七元君	能解復連厄
大聖北斗七元君	能解疫癘厄
大聖北斗七元君	能解疾病厄
大聖北斗七元君	能解精邪厄
大聖北斗七元君	能解虎狼厄
大聖北斗七元君	能解蟲蛇厄
大聖北斗七元君	能解劫賊厄
大聖北斗七元君	能解枷棒厄
大聖北斗七元君	能解橫死厄
大聖北斗七元君	能解咒誓厄
大聖北斗七元君	能解天羅厄

中華道典

太上玄靈北斗本命延生真經

五

靈九道壇印制

大聖北斗七元君	能解地網厄	
大聖北斗七元君	能解刀兵厄	
大聖北斗七元君	能解水火厄	
於是七元君	大聖善通靈	濟度諸厄難
超出苦衆生	若有急告者	持誦保安平
盡憑生百福	咸契於五行	三魂得安健
邪魅不能停	五方降真炁	萬福自來并
長生超八難	皆由奉七星	生生身自在
世世保神清	善似光中影	應如谷裏聲
三元神共護	萬聖眼同明	無災亦無障
永保道心寧		

老君曰：北辰垂象，而衆星拱之，爲造化之樞機，

作人神之主宰，宣威三界，統御萬靈，判人間善惡之期，司陰府是非之目，五行共稟，七政同科，有迴死注生之功，有消災度厄之力，上至

帝王，下及庶人，尊卑雖則殊途，命分俱無差別。凡夫在世，迷謬者多，不知身屬

北斗，命由天府，有災有患，不知解謝之門，祈福祈生，莫曉歸真之路，致使魂神被繫，禍患來纏。或重病不痊，或邪妖尅害，連年困篤，累歲迍遭，塚訟徵呼，先亡復連，或上天譴責，或下鬼訴誣。若以此危厄，如何解救？急須投告

北斗，醮謝真君，及轉真經，認本命真君，方獲安泰，以至康榮。更有深妙，不可盡述，凡見

### 中華道典

太上玄靈北斗本命延生真經

六

靈九道壇印制

北斗真形，頂禮恭敬。

北斗第一陽明貪狼太星君，子生人屬之

北斗第二陰精巨門元星君，丑亥生人屬之

北斗第三真人祿存貞星君，寅戌生人屬之

北斗第四玄冥文曲紐星君，卯酉生人屬之

北斗第五丹元廉貞綱星君，辰申生人屬之

北斗第六北極武曲紀星君，巳未生人屬之

北斗第七天關破軍關星君，午生人屬之

北斗第八洞明外輔星君，

北斗第九隱光內弼星君，

上台虛精開德真君，

中台六淳司空星君，

下台曲生司祿星君。

如是真君名號，不可得聞。凡有見聞，能持念者，皆道心深重，宿有善緣，得聞持誦，其功德力莫可稱量。若正信男女，值此真經，智慧性圓，道心開發，出羣迷逕，入希夷門，歸奉真宗，達生榮界，於三元八節、本命生辰、北斗下日，嚴置壇場，轉經齋醮，依儀行道，其福無邊，世世生靈，不違真性，不入邪見，持經之人，常持誦七元真君所屬尊號，善功圓滿，亦降吉祥。卽說北斗咒曰：

北斗九辰 中天大神 上朝金闕 下覆崑崙  
調理綱紀 統制乾坤 大魁貪狼 巨門祿存

### 中華道典

太上玄靈北斗本命延生真經 七

靈九道壇印制

文曲廉貞 武曲破軍 高上玉皇 紫微帝君  
大周天界 細入微塵 何災不滅 何福不臻  
元皇正炁 來合我身 天罡所指 晝夜常輪  
俗居小人 好道求靈 願見尊儀 永保長生  
三台虛精 六淳曲生 生我養我 護我身形  
魁魍魎魍魎尊帝 急急如律令

老君曰：凡人性命五體，悉屬本命星官之所主掌，本命神將、本宿星官，常垂蔭祐，主持人命，使保天年。凡俗無知，終身不悟。夫本命真官，每歲六度降在人間，降日爲本命，限期有南陵使者三千人，北斗真君七千神將，本命真官降駕，衆真悉來擁護，可以消災懺罪，請福延生，隨力章

醮，福德增崇。其有本命限期將至，自身不知，不設齋醮，不修香火，此為輕生迷本，不貴人身，天司奪祿，減筭除年，多致夭喪。迷誤之者，雖遇經訣，懷不信心，毀謗真文，如此之人，身謝之後，淪沒三塗，漂沉諸趣，永失人身，深可悲哀，自致斯苦。若本命之日，能修齋醮，善達天司，一時於本命限期，開轉真經，廣陳供養，使三生常為男子身，富貴聰明，人中殊勝。其有生身果薄，雖在人中，貧窮下賤，縱知本命，無力修崇，能酌水獻花，冥心望北極，稽首禮拜，念本命星君名號者，亦不虛過，本命限期，皆得延生注福，繫係人身，災厄蠲除，獲福無量。天師

### 中華道典

太上玄靈北斗本命延生真經

八

靈九道壇印制

歡喜，踴躍作禮，讚歎難可，得遇無上法橋。老君重告天師曰：世人罪福善惡，皆屬天司，懺罪消災，莫越修奉，遇本命生辰，告身中元辰驛馬，削落三災，九厄保見，今眷屬安寧。凡有上士，於本命生辰，持此真文者，外伏魔精，內安真性，功沾水陸，善及存亡，悔過虔恭，漸登妙果，重立玄功，證虛無道，乃得聖智圓通，隱顯莫測，出有入無，逍遙雲際，昇入金門，與聖合真，身超三界，永不輪轉，壽量無窮，快樂自在。凡有男女，於本命生辰，及諸齋日，清淨身心，焚香持此真文，自認北極本命所屬星君，隨心禱祝，善無不應，災罪消除，致感萬聖千真，俱來



家有《北斗經》 橫事永不起  
家有《北斗經》 長保亨利貞

老君曰：善哉善哉，汝可宣揚正教，福利無邊，普及衆生，永霑勝善。天師稽首禮謝，信受奉行。

### 回向文

北斗七星	玉真仙靈	貪狼巨門	保臣長生
祿存文曲	使臣聰明	廉貞武曲	衛臣安寧
破軍輔弼	護臣身形	常居吉慶	永處福齡
注上生籍	勾落死名	神清炁爽	洞達幽冥
禦邪攝鬼	群妖催傾	學道修真	伏願遂成
七元覆護	飛昇紫庭		

臣某下情無任感恩 荷聖澈切 懇禱之至

### 中華道典

太上玄靈北斗本命延生真經 十

靈九道壇印制

### 北斗寶誥 志心皈命禮

開明三景，迴度五常，爲造化之樞機，作人神之主宰，宣威三界，統御萬靈，判人間善惡之期，司陰府是非之目，能解一切罪，攝伏諸魔精，大悲大願，大聖大慈  
中天大聖北斗九皇賜福星君

### 完經讚

中天大聖 北斗玄冥 七元解厄善通靈  
集福並延齡 願見真形 頂禮獲康寧

### 皈命

北斗賜福大星君

太上玄靈北斗本命延生真經

終